



鶴慶州志卷之二十一

藝文志

藝文

志載藝文非徒侈國華也蓋文以載道大者經天  
緯地能傳千聖心源小者咏水哦山亦饒一方掌  
故我

國家人文蔚起等身著作之士無慮數十百家滇於  
天下爲最西鶴於滇又爲最西其卓然成一家言  
而足以旗鼓中原者蓋亦僅矣雖然山川之靈淑  
旣不能無所鍾宇宙之菁華要卽不能無所洩則  
夫揮毫落石珞之雲染翰傾漾弓之水凡有關於

紀載固未可概薄爲雕蟲也志藝文

詩

五言古

青元洞

明廉使馬卿林縣

夙昔慕山侶採藥尋名山蓬瀛殊恍惚勝境自人寰世  
網猶未脫遙遙謫南蠻薄領厭紛糾春風得餘閑巡行  
歷阡陌登遊遍林巒山椒洞門啟玲瓏彩雲間竒石狀  
眉臬斧鑿羞垂班天光牖虛白月窟浮清潺珠璣瑱乳  
綴綺繡壁苔班儼然清華境寸碧出雲鬢果有笙鶴翁  
霞斃何嫺嫺遺我金簡書兼之立玉環環以象太極書

以示九遷謂勗松栢心無爲桃李顏再拜感至教修舉  
不可攀仙路豈云遠煉修良匪艱矢心斷金石常恐芳  
歲殘紅塵落已久丹書幾時頒願言達精誠排雲扣天  
關

明月石

明解元  
唐堯官

晉寧

西南盛招提宏翠惟螺峯捫蘿路詰屈陟蹺臨蒼穹雲  
中仙梵響大士殿益崇山茶粲如錦松柏翠烟籠夕佳  
景已收明月升其東秀出一片石光彩照寵從賓主坐  
相酬子夜曲未終下方城郭近歸騎且從容

飲朝霞漫興

明知府

黃兆隆

陰晴互朝昏氣候靡有定春半尙餘寒未愜登山興偶  
辱翩翩賢邀遊招提境出郭適清和日淡纖雲淨梨開  
白盈枝桃飛紅滿徑芸芸麥正芳嚶嚶鳥相應歷壑旣  
經邱穿林復陟磴望望詣朝霞果然三界勝縱目萬象  
空身如超上乘間水浮閑花禪堂發孤磬亭亭古柏陰  
落落長松勁碧繡緣蘿懸石冷香泉瀟入門供帳繁綺  
筵笙歌併且盡主人情不問山僧姓更有同心儔立談  
時印證披豁見天真啣杯不飲醒自苦俗吏忙得此歡  
懷馨留連光景遲收拾無餘剩臨風咏歸來天外紫烟  
暝

望雪山

明參政謝肇淛  
晉江

山行數百里貿貿靡所屆迴上四盤坡我馬瘠以憊千  
峯繞翠屏驚見玉龍挂爛如白芙蓉橫聳青天外斜日  
正照耀銀宮起光怪皓質亘四時千秋復萬代立鶴不  
敢棲路草綠映帶永懷面壁踪結想香林界坐令俗骨  
清頓覺俗行快安得馭冷風凌虛飲沆瀣

說石臺

明諸生孫桐  
郡人

山房門橫數尺潭潭心有奇石儼如  
人立因築臺於當戶時坐而語焉

偶上說石臺儼然賓主迭未獲南宮拜却來生公說雲  
根浪不穩龍鬣怒欲赴疑是補天工墮空留一屑君眼

爲誰青獨立門前雪

聽雨榻

前人

山靜書長偶欹枕向蓮花頂上渡一小劫忽聞  
樵雨飛來風窗似語因悟紫栢集中驀地耳根  
尋不得主人喝下破疵頑之句嗟乎天  
地一廬古今一隙浮生如客當問主人

騰騰一枕上蓮花大如掌樵聲帶雨來夕陽弄奇響風  
窗似欲爭松竹互爲獎聲非爲聽來聽豈因聲往物我  
遇何常微元生遠想

月則軒

月以軒名軒得乎月也軒以月則名月師乎軒  
也學人雪徑雪綻之始構是軒也爲關圓門期  
與月栢等及軒成而月之來若適取以相爲則  
凡風露之襲我衣星河之燦於天者皆若自此

軒出焉

依巖鑿一門奇形若太極四面山氣清有時松雲黑明月望中來如同取一則披衣風露生欹枕星河郎知子邀爲期獨留混沌色

飛白所

前人

山房北有螺髻峯孤處梵宿青長羣小學人雪屑雪慢望而嘉曰旣爲濟勝友當獲絕奇山爰爲開廬窻以牕構屋北向獨對一峯予往視成適春雪初晴夕陽半照虛空曳白飛來我所不禁心賞之謂二子曰古人愛山必得其性情之近今知二子非泛愛者爾

誰抹佛頂青螺髻高雲許風骨儼儼立介然無取與穴窻清聽生聚乃君堪語雲中一個晴虛空懸玉杵殘照

白俱飛修然來我所

中秋雨

國朝貢生

李毓奇

郡人

今夕夫何如佳節用自古坐待銀闕湧仰天酬清酤姁  
娥杳無踪安問玉階樹有如爬沙墓饑口使天瞽秉燭  
自舉觴光燄細於縷坐久慘不歡憂來填肺腑吾聞合  
七寶八萬戶揮斧如何辛苦成障翳不得吐塊磊澆豈  
平狂歌欲起舞九閨高且扃耳甯屬下土欲尋泛斗槎  
上槎雷公鼓願假風伯靈迅掃疾神弩豁然永夜清酒  
盡向市沽天苟鑒此衷莫待明年補

古風

前人

螻蟬方捕蟬黃雀已鼓翅未果腹中飢王孫挾彈伺天  
地一殺機循環迭相噬寄言海上鷗吾欲從此逝

其二

囚鳥困樊籠翻爲同羣累繫蟬沉水底牽率百千輩李  
桃且代殭狐兔悲其類念彼萬物中稟受各互異誰能  
詰其然撫膺但長喟

其三

峩峩高陽山上有葛洪井修竹拂雲端甘泉踰清潁飛  
仙匪所慕愛此無人境揮手謝城市無乃厭蛙蠅

其四

斜日墮西山新月吐東嶺一朝復一夕素髮垂滿領壯  
盛不如人老大將安幸誰繫驂騑足縱此驚駘騁驤首  
時一名淚下如縻綆

其五

吾聞龍變化隨時有屈伸咫尺不及水螻蟻困其身肉  
眼雖酷好何曾辨假真屋梁方掉尾駭汗爲崩奔無爲  
子高怨爾性自難馴

天池夜月歌

國朝本府通判署府事 佟鎮長白

池中豈真月清影入夜爽影不生月中月不在天上如  
何窻檻裏相照鬚眉朗謂水善於取池空月何往謂月

善於與東嶺尙渺茫取與兩無關令我生遠想

雜感

國朝康熙戊子舉人李倬雲郡人

蟻穴隕長堤積羽可沉舟巨石穿簷溜涓滴成洪流補  
牢苦不早爛額何足酬君子防未然食肉笑遠謀履霜  
與集霰此意甯悠悠

其二

膏以明自煎象以齒見焚干將出匣底銛鋒缺不伸甯  
爲井中泥毋爲市上塵井中雖塵埋市上多苦辛

其三

少小慕遠遊雅志薄畊桑登山苦竿擧涉水無舟航脫

身就平地荆棘塞道旁行路自古難我何苦悲傷切雲  
與長劍計掘空徬徨

乞兒行

前人

天寒歲律暮風雪無時休行邁日遲遲舉目增我愁念  
彼流亡人顛連滿道周况復挽我車哀呼聲啾啾借問  
爾何鄉何爲此淹留答曰家晉陽畊桑頗自謀頻歲遭  
水旱田畝少所收忍飢完正賦不肯辭故邱有司借名  
目無藝日誅求黠者依險阻跳梁弄戈矛軟弱守窮巷  
鉤索反見仇血淚灑公庭繫頸等罪囚低聲向老吏乞  
歸鬻兒酬咆哮甚猛虎索保始領頭脫身攜妻子棄家

到中州聞說南陽界荒陂足畊耰牛種旣難辦棲身何  
所投匍匐大道旁殘喘仰行轉今日得苟延明日信悠  
悠見爾已心酸聞語淚更流嗟爾本良民誰使填壑溝  
羞澀客囊空聊復遺乾餼恭聞

聖天子西顧垂殷憂赫怒誅貪殘中丞行部搜租逋槩  
蠲除懷綏渥且優勿作他鄉塚弩力返田疇

和昌黎秋懷詩

國朝明經張重暉郡人

空山月纖纖荒砌竹薿薿秋風從西來暮鳥飛不已入  
巢枯樹間聊以息肩耳好夢不易尋驚明卧復起四顧  
欄檻疎跡與飄蓬似命達不可知文章不可恃緬懷千

載人古今諒同軌歛退謝時名遠辱且自喜

其二

讀書非爲名窮達分榮瘁阿閣鳳之巢違時不擇地荒  
城秋瘴深蕉聲隨雨恣聽寒觸所思妄念與昔異誦讀  
如何繩卑棲亦足貴

其三

圓影懸中天獨坐愁滋曩侏儒厭飽餐東方不能飯金  
紫旣難期萼鱸亦違願聽此百蟲鳴叮咛若爲勸君志  
何恢張廣廈欲千萬勿謂久淹留許身在廷獻呼蟲助  
苦吟唧唧復何怨雨歇秋氣爽烟嵐百尺淩一鞭向山

谷皎皎絕飛蠅慣習風霜暝漸遠塵市憎憎暝豈殊衆  
用以破模稜仰看雲中鵠遙遙不可留胡爲歛雙翼摩  
天謝未能

其四

西南有寶山曲折藏雲暗萬里天風吹出岫多所憾岫  
中雲氣新識者動私瞰變幻若無端青白由來淡膚寸  
起岱宗海中恣汎濫立身倚青天蓄積非因暫新雲隨  
舊雲繩繩繼其纜下視千萬峰邱壑憑點勘笈招青雲  
來吾豈謀石簷

雨中曉發安甯

國朝康熙丙子舉人  
兵部車駕司主事

張惠可郡人

秋雨暗城郭古道翻躑躅西巢鳥無聲平橋波汨沒我  
生何勞勞馬首衝霧出朱樓人正眠那曉晨光促

擬蘓子卿古詩四首

國朝諸生

林鳳鳴郡人

人生重意氣異姓卽骨肉自期常聚首得比雁行族何  
意我與君將作失聲鹿念彼市井交酒食日微逐一朝  
賦遠遊相對且眉蹙君言不得意我恨馬蹄速今日言  
別去明日行孤獨誰爲遊子吟哽咽難竟讀

晨夕共携手豈堪唱驪歌自古同心侶由來愁恨多從  
此一爲別征帆百折波念我與君處各自遭軼軻偶有  
數日隔迷路夢南柯不別猶若此別來且奈何良時不